

proprie aut essentialiter tribui, quicquid ei per istam phrasin assignetur eminentiæ, *Eius falsissima sunt hypotbeta*: I. Per vocem שמי nudum vocabulum, aut picturam quatuor literarum יהוה indicari, ut idem sit, quod שמי עליי & necessario subintelligendum verbum נקרא. II. Nomen יהוה in hoc Angelo ita esse, ut centrum in medio circuli. 3. Sicut luna suo quidem proprio lumine carens, a sole tamen illuminatur, ut lumen lunæ recte & solis & lunæ lumen dici possit, ita etiam Deus Opt. Max. & hic ejus Angelus יהוה æquivoce dicantur, ut hoc nomen Deo essentialiter sit, Angelo autem non nisi per accidens competat. Nos missis his, quæ sua statim se absurditate produnt, ineptiis, per טו שמי usitata Scripturæ phrasi, (conf. Ps. 48. 11. 2. Sam. 7. 23. Esa. 42. 8.) ipsam Majestatem, potentiam, & gloriam divinam denotari existimamus.

Ad alterum veniamus, quæ Rabbiorum, de hoc מלאך פנים sit sententia, dilucidaturi. In בראשית קטנה super illud Genes. 3. *Et emisit eum Dominus Deus de horto*: hæc leguntur verba: *Emissus fuit Adam de Paradiso voluptatis. Sic ait Rabbi Nabmya; emissus fuit Adam de paradiso in seculo isto, sed in futuro seculo non emittetur. Juvatur autem eiusmodi dictum per id, quod scriptum est Ps. 16. Ego in justitia contemplantur faciem tuam, id est Messiam tuum, satiabor cum resurrexerit תמונתך forma tua, vel imago tua. Dixit הוה ברוך הוה In hora illa ego justificabo eum sc. Adamum, ab illa sententia; Dixit David Deo Sancto & Benedicto, Et in illa hora, in qua evigilabit is, qui est in similitudine tua, satiabor, & in justitia contemplantur faciem tuam, id est, MESSIAM tuum.*

Adducit in eandem mentem Raymundus Martini part. 2. Pug. Christian. testimonium R. Moysis Haddarsan, super Gen. 22. quod mala fide emendavit Galatinus l. 3. de Arcanis Cath. veritatis cap. XII.

§. XIII. Sistit etiam Elias in Thisbi, ex priscis Hebræorum Magistris, aliquot loca, quibus hunc ipsum מלאך פנים appellatione טו שמי insigniri ostendit. Imo ipse R. Moses bar Nachman sectione משפטים ad Exod. 23. vers. 21. [quam histo-